



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 31 БАСПАСӨЗ РЕЛИЗИ
2011 жылғы 23 қыркүйек**

«Есік көсемі» және «Өскемен» ескерткіш монеталарын айналысқа шығару туралы

Қазақстан Республикасының Ұлттық Банкі 2011 жылғы 23 қыркүйектен бастап «Республика игілігі» монеталар сериясынан «proof» сапасымен жасалған номиналы 500 теңгелік «Есік көсемі» ескерткіш күміс монетасын және «Қазақстанның қалалары» монеталар сериясынан нейзильбер қоспасынан жасалған номиналы 50 теңгелік «Өскемен» ескерткіш монетасын айналысқа шығаратындығын қосымша хабарлайды.

«Есік көсемі» ескерткіш күміс монетасы «Республика игілігі» жаңа монеталар сериясын ашады және қалған монеталардан сегіз қырлы нысанымен ерекшеленеді. Монета бетіне алтын жалату технологиясын қолдана отырып дайындалды.

Монетаның бет жағында (аверсінде) орталық бөлігінде екі жолға орналастырылған және монетаның номиналын білдіретін «500 ТЕҢГЕ» деген жазу бар, бас киімнің элементі – тау ешкісінің мүйізі бар қос пырақтың суреті, Қазақстан Республикасы Ұлттық Банкінің эмблемасы бейнеленген. Айналысқа мемлекеттік тілде «ҚАЗАҚСТАН ҰЛТТЫҚ БАНКІ» және ағылшын тілінде «NATIONAL BANK OF KAZAKHSTAN» деген жазулар бар. Монетаны айналысқа жалпақ жиек жүргізілген, онда сегіз қырының бұрыштарында ұлттық ою-өрнектің элементтері орналастырылған. Жоғары бөлігінде – Қазақстан теңге сарайының тауар белгісі. Қырларының төменгі бөлігінде монета дайындалған металды және оның сынамын білдіретін «Ag 925» деген жазу, соғылған жылын білдіретін «2011» деген сан және монетаның массасын білдіретін «31,1gr.» деген жазу орналасқан.

Монетаның сырт жағында (реверсінде) орталық бөлігінде «Алтын Адамның» алтындатылған макеті және айналысқа мемлекеттік тілде «ЕСІК КӨСЕМІ» және ағылшын тілінде «ISSYK CHIEFTAIN» деген жазу бар. Монетаны айналысқа аверстегі сияқты жалпақ жиек жүргізілген, онда сегіз қырының бұрыштарында ұлттық ою-өрнектің элементтері орналастырылған, ал қырларында барыс бейнесінде тоғалар бейнеленген.

Монетаның бет жағындағы және сырт жағындағы бейнелер және жазбалар бедерленген.

Қыры (гурты) тегіс, бедерленбеген және жазбалар жоқ.

Монета 925 сынамды күмістен жасалған, массасы 31,1 грамм, сипатталған шеңбердің диаметрі – 38,61 мм, дайындау сапасы – «proof», таралымы – 5 мың дана.



«Өскемен» ескерткіш монетасы - «Қазақстанның қалалары» монеталар сериясындағы екінші монета

Монетаның бет жағында (аверсінде) орталық бөлігінде монетаның номиналын білдіретін «50 ТЕНГЕ» деген жазу орналасқан. Жоғарғы бөлігінде ою-өрнекті сегіз бұрышты розетка, төменгі бөлігінде – ұлттық ою-өрнек элементі. Номиналдың оң жағында «ҚҰБ» аббревиатурасы орналасқан.

Монетаның сырт жағында (реверсінде) орталық бөлігінде Өскемен қаласының гербі бейнеленген. Айналыра мемлекеттік тілде «ҚАЗАҚСТАН РЕСПУБЛИКАСЫ» деген жазу, монетаның соғылған жылын білдіретін «2011» деген сан бейнеленген.

Монеталардың екі жағын айналыра шығыңқы жиек жүргізілген.

Монетаның бет жағындағы және сырт жағындағы суреттер және жазулар бедерленген.

Қыры (гурты) бедерлі.

Монеталар ақ түсті «нейзильбер» қоспасынан жасалған, диаметрі – 23 мм, массасы – 4,71 грамм, таралымы – 50 мың дана.



Номиналы 500 теңгелік және номиналы 50 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ шоттарға, салымдарға, аккредитивтерге есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Ескерткіш монеталар «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығы бар республикалық мемлекеттік кәсіпорнында дайындалған.

Монеталардың дизайны Қазақстан Республикасы Президентінің 2003 жылғы 25 қыркүйектегі №1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш күміс монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Нейзильбер қоспасынан жасалған ескерткіш монеталардың бір мың данасы жақсартылған сапамен дайындалды және арнайы пластикалық термовакуумды ораумен сатуға арнап шығарылды.

Монеталарды Қазақстан Республикасы Ұлттық Банкінің барлық филиалдарында сатып алуға болады. Алматы қаласында мына мекен-жай бойынша: Панфилов көшесі, 98. Анықтама үшін телефоны (727) 273-83-98.

Барынша толық ақпаратты мына телефондар бойынша алуға болады: +7 (727) 2 704 639, +7 (727) 2704 654; E-mail: press@nationalbank.kz www.nationalbank.kz